

Un dia special pa e Faro di Westpunt



Na principio di september Stichting Monumentenfonds Aruba (SMFA) a anuncia cu lo inicia cu e proyecto di restauracion di e California Lighthouse.

Mientras cu e preparacionnan tabata tuma luga y no tabata mira hopi cambio hopi hende ta puntra ki dia e trabounan ta cuminsa. Pa algun siman caba e com-

pania encarga cu e proyecto cual ta Ecoline Aruba a cuminsa cu e trabounan parti di paden y pafo caminda por a mira cambionan chikito.

Ayer 4 di November ta un dia hopi special y historico caminda cu e top di e faro di 100 aña bieu a keda kita. For di mainta trempa a cuminsa cu e trabounan pa kita e top cu ayudo di e compania A mast NV su grua, Ecoline

Aruba cu ta e contratista encarga cu e proyecto di restauracion por a prepara e top y kita esaki for di riba e Faro. SMFA tabata presente pa presencia e momento special aki y tambe a invita Sr. Romulo Fingal cu ta yiu di e ultimo cuidado di e faro y cu tin un cariño special pa e monumento aki hunto cu su yiunan. Tambe tabata presente Monumenten Bureau cu ta e lid-

er di proyecto, IMD Aruba como e arkitecto y Ecoline Aruba cu ta e compania encarga cu e trabounan di restauracion. Despues di awe e trabounan di restauracion lo sigui na e Faro mes y e top lo bay pa restauracion. Mientrastanto e lampi mes a keda kita caba y lo ta instala riba un construccion temporal pa por sigui haci su funcion durante e periodo di res-

tauracion. Ful e proceso a keda bon documenta igual cu tur e proceso di restauracion di e California Lighthouse cu lo ta documenta pa asina esaki por keda tambe pa futuro generacionnan. E proyecto lo tin un duracion di aproximadamente 7 luna mas y ora e ta cla lo keda habri pa publico por disfruta di e bunita bista di ariba. □